



## Universitätsbibliothek Paderborn

**Dissertatio Paraenetico Apologetica In Vitam Mirabilem,  
& Cœlestes Revelationes Venerabilis Virginis Marinæ De  
Escobar Vallisoletanae, Ordinis Sanctimonialium S.  
Brigittæ in Hispania Fundatricis**

**Tanner, Jan**

**Neap., 1690**

§. 7. Quanti fructus ex Sanctarum mulierum revelationibus in Ecclesiam  
Dei redu[n]dent.

**urn:nbn:de:hbz:466:1-41415**

46. Legendæ etiam à Patribus Spiritualibus , seu aliorum in via spirituali Ducibus ; ut variorum D E I ductuum acquirant notitiam , & intelligent quam mirabilis sit Deus in Sanctis suis , & quām non sint animæ omnes ad eandem viam spiritus adstringendæ .

47. Denique legendæ etiam sunt à Theologis , ut videant quomodò hæc sint armis Theologis protegēda , & quomodò aut rudibus , aut malevolis respondendum , occurrendum , & satisfaciendum ; atque ut mysticæ Theologiæ cum scolasticæ cognitione coniunctâ sciant , & possint tantò magis , & melius Ecclesiæ quamque in occasione inservire ; norintque aptum , & prudens de talibus ferre judicium , ubi opus est , nè forte in occasionibus oblatis appareant talium penitus ignari , cum exiguo Ecclesię Catholicę , & Academiarum honore .

## §. VII.

*Quanti fructus ex Sanctarum Mulierum  
Revelationibus in Ecclesiam DEI  
redundent .*

48. **U**nica S. Theresia sufficeret ad ostendendum quanta hinc nascentur emolumenta , quando ab illa unica cœlestibus visionibus illustrata , tot , & tanta sunt in universam Ecclesiam bona consecuta : verūm fructus aliquos ex innumeris enumemus .

Primus fit , quem adducit P. Ludovicus de Ponte in vita Ven. Virginis Marinæ l.2.c.13.dicens : *Donum orationis , est fructus glorioſissimus qui colligitur ex hujusmodi*

*di visionibus.* Nempe per has anima quasi mahuducitur ad intimam cum DEO familiaritatem. Et in primis ex eis facillimè hauritur modus ille contemplandi, qui à S.P.N. Ignatio vocatur *applicatio sensuum*. Itèm instru-  
ctio, qui circa quodlibet mysterium affectus sint eliciē-  
di. Prætereà magnum hinc accipitur adjumentum ad  
SS. Communionem, quām piissimè obeundam.

49. Secundum est egreginm signum credibilitatis Ecclesiæ Catholicae ex tanta abundantia spiritus de-  
votionis, & doctrinæ Asceticæ, atque ex tam sublimi,  
etiam in sexu fragili, Sanctitate, & cum Deo familia-  
ritate; quando nostri temporis hæretici, non dico San-  
ctas Virgines, sed vix habent Virgines; Si quidem, ut  
ajunt, mandata DEI ac virginitas servatu iis sunt im-  
possibilia. Doctrinæ verò Asceticæ nec vestigium apud  
eos exstat, ut ipsum etiam nomen ignoretur, totaque  
teneræ devotionis substantia demum in quibusdam ex-  
quisitis constet epithetis, quibus exempli gratiâ Chri-  
sti Domini vulnera appellant rubino rosea, aut purpu-  
reorubicunda. Et verò quam grandis est iste honor  
Ecclesiæ, quod in unius Catholicæ mulieris libello  
plus exstet sublimis, & excellentis doctrinæ Sacrae,  
quām in toto Alcorano, in tot Thalmud, in omnibus  
Grecorū, AEgyptiorum, Arabum, Sinarum, & reliqua-  
rum gentium profanis Philosophis, in omnibus Hæreti-  
corum, & Prædicantium tomis.

50. Tertius est, quod Ecclesia Dei hinc habeat prò  
eis, qui in gradu eminentiori DEO serviunt, etiam  
quædam eminentiora lumina, incitamenta, præsertim  
prò contemplativis. Neque enim decorum fuisset, si ho-  
mines devotioni magis addicti, nihil speciale, præ aliis  
quibuscumque justis habuissent. Et verò quidnam po-  
test esse efficacius ad extorquendum à corde nostro er-

ga

ga DEUM amore, quām si nos ab eo tantopere amari videamus? Quin etiam hinc desumitur robustum in omnibus hujus vitæ difficultatibus solatum, dum vides tanta nobis à DEO in Cœlis præparari.

51. Quartus fructus est discretio spirituum, & prudentia prò agnoscendis DEI ductibus, & variis unionis gradibus necessaria. Certè à S. Thæresia didicere viri doctissimi, totaque Religio Carmeli. Magnus ille spiritus Magister in Societate nostra, P. Achilles Gallardi, sapientissimum illum suum libellum ornavit eis, quæ à B. Aloysio Gonzaga adolescenti intellexit. Ità Ludovicus Blossus multus est in allegandis pro librorum suorum firmamento Sanctarum mulierum visionibus, & doctrinis: id quod etiam videre est in tomis P. Nicolai Lancicii Societatis nostre.

52. Quintus fructus est, quod per eas plurimorum fidei nostræ mysteriorum pleniores accipiamus cognitionem, præsertim eorum quæ circa Christum Dominum nostrum à SS. Evangelistis sunt prætermissa. Sic l. 2.c.25.§.1. Christus Dominus Ven. Virg. Marinæ miranti cur sibi tanta de Venerabili Sacramento ostenderet, dixit lib. 2. c. 25.§. 1. *Ego volo, ut mei Amici hic aliquantum degustent, & cognoscant mysteria, quæ prò illis, & prò ipsorum bono, ac remedio sum operatus in Mūdo.* Plurima etiam nobis innotescunt de statu vitæ futuræ, tam in Cœlo, quām in Inferno: atquè ut sciamus, nos in Cœlesti Patria non futuros instar immobilium truncorum, nihilque operaturos. Certè in revelationibus Ven. Marinæ quasi specimen quoddam cœlestis vitæ voluit Deus existare: quanquam, & pleraque veteris Testamēti mysteria mirabiliter in ea renovavit, ut Scalam Jacob, & luctam cum DEO l. 3.c.4. Moysen, qui vidit posteriora DEI, & raptum S. Pauli l. 3.c.1. & 2.

Abraham

Abraham qui *tres* vidit, & *unum* adoravit *l.3.c.8.* Rubum ardente*m l.2.c.6.* Eliam, cui Deus in sibilo venti apparuit *l.2.c.9.* Illud Davidis: *si ascendero in Cœlum,*  
*tu illic es l.2.c.16.S.7.* Serpentem æneum *l.2.c.16.S.7.*  
*sub umbra ejus quem desideraveram, sedi l.2.c.16.S.5.*  
Miphiboseth in mensa Davidis *l.2.c.18.S.4.* Currum  
Ezechielis *l.2.c.20.S.2.* Mysteria itè plurima novi  
Testamenti, qualia sunt Incarnatio *l.2.c.4.* & 8. prout  
in Indice invenitur. Item quomodo S. Dionyius dixerit,  
se crediturum fuisse SS. Virginem esse Deam *l.2.c.*  
3. Quomodo Christus Dominus Magdalenam coram  
Martha excusaverit *l.2.c.7.S.4.* S. Magdalena ad se-  
pulchrum *l.2.c.16.S.6.* *Noli me tangere lib.2.c.18.S.2.*  
Quomodo Christus Dominus sit in Venerabili Sacra-  
mento *l.2.c.8.S.3.* Plurima item ei aperta sunt de divi-  
nis attributis, de dignitate Angelorum, aliisque: prout  
Lector abundè inveniet. Quod si quando movemur ad  
pietatem spectaculo quoipiam in Theatro comico de  
vita Christi Domini, aut Sanctorum exhibito; quantò  
magis id sperandum est, dum mysteria illa ità renovari  
legimus, ut quodammodo eis interesse videamur? AE-  
stimamus piorum virorum contemplativorum de ge-  
stis Christi Domini probabiles coniecturas; cur ergò  
cœlestia de his responsa, repudiemus; aut dum ipsem  
Christus Dominus ea iterum exhibit, legere, & specta-  
re dedignamur? Certè quantoperè ei hæ repræsen-  
tationes placeant, patet, vel ex eo, quòd per eas volue-  
rit totam Missam celebrari.

53. Sextus fructus revelationum Ven. Virginis  
Marinæ peculiaris, est exemplum, quām cautè sit in-  
talibus extraordinariis divinis favoribus procedendū;  
si quidem Ven. Virgo Marina, tantas hoc in genere  
adhibuit cautelas, ut P. Ludovicus de Ponte non dubi-  
ta-

taverit afferere, ut in ejus introductione vidimus, sicut  
Sanctum Franciscum Seraphicum in Paupertatis Evan-  
gelicæ, aliosque Sanctos in virtutum aliarum; ita eam  
*in* exemplum cautelæ, & circumspectionis esse à DEO  
Ecclesiæ datam. Unde, & Christus Dominus *l. 2. c. 26.*  
ad eam dixit: *times? perge. Si ità timerent animæ, non*  
*essent tot illusiones.*

54. His addi possunt peculiares illi fructus, qui ex  
Ven. Virginis Marinæ visionibus in totum mundum,  
ac in Hispaniam præsertim, provenerunt, prout spar-  
sim in ejus vita inveniuntur: quos inter est ille ad Im-  
maculatam SS. Virginis Deiparæ Conceptionem, ini-  
tio concionis collaudandam pertinens, de quo dictum  
suprà. Itém quòd festum S. Joachimi in Breviarium  
Romanum imponi procuraverit. Quod ordinem mo-  
nialium S. Brigittæ in Hispaniam induxerit. Quod Ca-  
nonizationem S. Ignatii de Loyola à DEO tempore vi-  
tae suæ impetraverit, & pridem prædixerit. Quòd plu-  
ritim hominibus subsidiis temporalibus, & spirituali-  
bus succurrerit directa divinis his revelationibus. De-  
nique quòd plura adhuc futuris temporibus ventura à  
DEO exoraverit, inter quæ est, futura cōversio Angliæ,  
& alia, quæ lecturi in ejus vita deprehendent -

55. Denique tanta, ut sic loquar, Divinæ Majesta-  
tis sollicitudo, ut hæ revelationes conscriberentur, &  
tanta P. Ludovico de Ponte in Cœlis pro labore eas  
combinandi promissa præmia, manifestant quanta  
Deus bona lectoribus piis, & sinceris communicare  
disponat; sic jussit Deus Brigittam sua conscribere ad  
movenda corda, quæ lectione S. Scripturæ tunc tempo-  
ris non movebantur. Sic lectoris revelationes S. Ger-  
trudis grandes cœlestes favores pollicitus est.

56. Reganda est ergo divina Majestas, ut nobis,  
& af-

& affectum ad eas diligenter, ac piè voluendas, & lu-  
men ad debitè intelligendas elargiatur, ut sic defectū,  
qui sèpè in nostris orationibus mentalibus contingit,  
compensemus.

### §. VIII.

#### *Obiectiones quædam diluuntur.*

57. **I**N primis adverti graves etiam viros à Fide revelationibus ejusmodi præstanta retineri, eò quod videantur sibi contradicere; id quod præcipuè notatur circa vulnera Christi Domini, quorum non tot millia computantur in revelatione una, quot in altera; ut proindè necessariò alterutra revelatio falsa, & consequenter fictitia, aut illusoria sit habenda. Quod si jam semel deprehendantur falsæ, nullam amplius in toto fidem merentur. Sed ad quæstionis hujus solutionem advertendum est, rebus divinis, & Propheticis, frequens esse, ut sint profundæ, & obscuræ. Grandis certè Sanctos Patres extitit labor, ut Evangeliorum concordiam demonstrarent. Quantùm S. Augustinus circa totam Sacram Scripturam hoc in genere desudarit, apparet ex ejus de Civitate DEI libris. Et quidē quod ad vulnera Christi Domini attinet, poterat ipse ea, diversis vicibus diverso modo computare, nunc vulnera seorsim sine ictibus, & vibicibus, nunc ictus simul, & vibices, & vulnera; nunc vulnera solius flagellationis, nunc totius corporis: nunc sola paulò majora, nunc omnia etiam minutissima: nunc quædam ob vicinitatem; aut quia eodem ictu inficta, conjungendo, nunc singula minutim separando. Ut ta-

M

ceam